



亭文編

卷八
今體詩

和
1259
3



和 16
1269
3

午亭文編卷八

門人候官林佶輯錄

今體詩

草堂

東風窓樹外吟望倚斜陽萬里驚春色三年卧草堂
花能破蘂新柳忽成行往日青門道紅芳壓驪驪

濂村以濂泉得名

泉在兔坑當午亭之北

舊業東山麓濂泉在北原引渠通野圃分翠入烟邨
一勺友流水諸峰耳葉孫道州千古意勝絕敢重論

月巖亦曰說巖閑居成詠

巖居非石隱山館有餘清
輞水漁樵興斜川故舊情
宿雲開峭壁新月上孤城
遙識青門柳春風綠處生



春日松嶺寺

孤峰春院迴晚景野鐘初山勢兼雲動松陰帶月虛禽
因僧梵引泉為圃花疏香閣登臨處閑情世不如

析城山

河東形勝古王畿蒲坂南來疊嶂奇禹貢山川連底柱
唐風宮室盡茅茨陰埋半嶺雲車過翠入中峰雨腳移
極目下方千萬壑樵邨歸路客先知

太行四首

天井關門跨碧空太行開闢想神功遙連絕塞羊腸盡
下視中原虎踞雄嵩嶽諸峰元拱北河源萬里遠隨東
驛樓斜日憑軒意回首蕭蕭落木風

家山歸處路分明北上車輪夢裏聲每憶梁公如蓋語
高歌益德苦寒行橫遮四塞如長塹俯抱三川似列城
午壁亭前方畝地祗應耕鑿足吾生

比似人間路較強崔巍歷盡亦康莊嵇生未解青泥飲
絲綽空登赤石梁少華西看峰影小大形東望海雲長
遺民敢笑唐風陋山水連天接混茫

絕嶂登臨興未孤白雲迴合盡平蕪界分韓魏初盟土
表裏山川舊帝都曾度千峰趨大漠懶從五嶽問真圖
更看天上黃河水長作巖前雪練鋪

過海會院二首

川長塔迴費躋攀路轉溪雲杳靄間石鏡泉鳴寒夜月

翠屏鳥拂曉春山上方色界諸天靜雙樹香林萬象閑
除却山僧與樵叟松門無客不須關

浮圖金碧照山隈略約橫斜隔浦迴鐘動幽林風葉落
鳥銜空翠雨花來引泉不礙孤生竹掃石長防未破苔
曲徑禪房容易好高亭還對野塘開

韓大韓山送柿酒二首

白芡烏菱得比倫黃柑差儗洞庭春不辭風味清如水
一片寒光解醉人

粒掃風軒洗破樽朱顏零落酒人存瓦盆舊是田家物
紫汝官哥莫漫論

春雪懷李容齋簡討

二月曉花紅霏微春雪中有香爭入樹無力怯從風詞
伯今誰敵清樽聊可同十年梁苑客賦罷各西東

東山上懷古之作

太行南欲盡萬里勢猶雄地迥標河朔川長起岱嵩六
卿空晉土二典自唐風遠溯龍門業誰當總史公

月巖二首

萬古東巖月紫門獨照時溪花連竹塢林卧觀黃羲
家在山巘中清暉帶林樾門前碧玉流金波漾新月

晏起

日照中林曉夢餘離離花影映窓虛平明心事三春後
一覺閑眠巧破除

樓夜

樓上風簾燭淚深
曉涼庭院似秋陰
夜殘無寐單衾冷
一枕荒雞半世心

登月院山觀普照寺

樹杪水濺濺
羣峰矗碧天
松門留曉月
板屋過流泉
谷口山城遠
窓中鳥道懸
前林少人跡
寒磬下溪烟

珏山

鐵鎖鈎梯細
磴分半空時
有鳳簫聞雙峰
夾送三清月
萬壑全收太岳雲
插漢桂榆垂欲下
摩霄龍鶴動成羣
人間何限卑栖意
待剪香茅頰上耘

青蓮寺禪人方丈二首

明月高高在上方
禪心不住水流長
埽花風定苔依徑
穿樹鐘來葉滿廊
白社南朝常侍宅
紅樓北寺贊公房
杪櫺別院清涼境
惟見威儀古道場

寺名不媿是青蓮
始信人間別有天
花比金輪寒映月
藕多玉井大如船
吟身漸老知詩妄
愁鬢新稀識酒權
欲向支公聊問法
可憐神駿意翩翩

午亭詩二十首

午園

結廬午壁側
著書午園間
上有沁水流
下有砥柱山

濂泉

泉水清且漣
古村濂泉下
不見昔時人
浩歌寄來者

流花峪

曉風吹殘紅夜雨洗微綠不愁風雨多流花滿溪谷

飛魚閣

有石魚出山間

石魚出山時山雲宿舊處高閣風雨多魚飛自來去

梯橋

桃花橋上枝殘紅帶茅屋夫君行不歸綠陰桃子熟

浴鶴池

荷花生川池葉小荷未起海鶴欲下時夕陽照春水

梅子岡

遠林聞微香青春入叢薄散步梅子岡幽花自開落

太上峰

斷雲出橫嶺明月生高峰無人與晨夕時倚巖際松

嶺泉亭

方池鑿山翠石罅清泉滴客心映空寒明月鑒寂歷

雙谿

雙谿來交橫谿源淼難即惟見石上流清泉不改色

老姥掌

夜靜山月高照我山樓上微聞松蘿風遙邇石泉響

詠歸亭

野水流溪遠春泉入檻深殘生不寐莫童冠有知音

七柿灘

秋水落汀渚古木餘磊砢山家黃葉村晚紅拾霜顆

端畦

漠漠谿田水萋萋野墅花何人解來往相識是山家

西田

行逐前谿雲疎雨挂晴竦日斜桑柘陰犁鋤手自弄

兔坑

茲山數峰落一峰出一泉尋泉杖輕策遙見墟中烟

西坨

朝為西坨遊暮為東坨宿谿行人不知野橋夾修竹

西山院

落日清磬響數峰相對閑復此值秋色坐見烟禽還

小西山院

後山惟白雲幽人對極目前山行兩歸還就山雲宿

樊口

樊山南下處十里到樊口春風夫如何惟見花與柳

沁水道中

谷口千巖合關門驛路分秋風迎馬首晴日亂鷗羣峽

轉黃厓水山開古鎮雲孤城何處是礎杵急斜曛

宿楹山寺天外樓

祇林迴望沁流明數里深山到漸平翠柏不隨雙鬢老

白雲常共一身輕高峰月上僧初定亂水風多鳥自驚

新桂舊松青未了半生難問况三生

南谿遊詩六首

涉溪緣窈窕不識有山家忽到松門外春風掃落花
泉聲來遠山空林間人語響多聞不殊春風復春雨
春陰柔柔枝映此谿沙綠烟中間未聲暮就田家宿
十日宿山房春光變啼鳥山月上復斜半簾落花曉
道人行樂時東垞復西崦日斜返深林落葉山扉掩
晚雲寒不飛凍雨宿峰首惟有遠鐘聲相隨出谿口

臺樹二首

去倚臺樹送來倚臺樹迎來時臺樹在去日不同情
臺上古時樹下蔭今城曲秋風樹葉黃春風樹葉綠

碧落寺重遊二首

碧落天邊寺青山有夢尋逕迷初地遠人覺化城深猿
鶴三秋意鐘魚一昔心到來想陳迹黃葉滿前林

十里荒寒路栖栖續舊遊泉鳴松澗冷雲卧石堂秋粉
堞山城古香燈佛火幽畫龍猶掉尾飛去殿西頭

樊溪二絕句

岡嶺迴遮曲曲村高齋日日坐黃昏庭蕪綠徧無人到
惟有花飛時款門
綠深苔卷雨初微漠漠陰涼布穀飛但使時清官長好
早驅黃犢暮來歸

古臺曲三首

古臺雲日午溪口水烟昏恰到茅堂裏春風自閉門
幽人住何許朝眠紫霞室夢覺聞松風起行理瑤瑟

有客希到門，蹋破碧苔色。春風瑤草花，聞香不曾識。

紫扉

紫扉開向曉，秋氣覺初涼。夜雨侵苔徑，西風落草堂。村烟山市蚤，社日野農忙。獨有幽居者，琴書在一牀。

倦客

倦客夜無睡，秋窗應欲明。人行殘月影，犬吠隔林聲。物理何多故，吾生太有情。風軒衾席冷，輾轉百憂生。

遊可寒山乾明寺

窈窕溪山路，孤峰迴自尊。秋花隱危石，斜日到閑門。鳥影烟中寂，泉聲雨後喧。法雲堪倚徙，不擬向前村。

月巖二首

月明南園樹，綠陰紛如積。溪村人未歸，山窗夜蕭瑟。幽人耽林卧，軒窗面高樹。秋風羅帷開，明月照深處。

再遊乾明寺二首

峰腰雨歇野雲留，晴樹斜陽在上頭。野蘚全凝臺殿色，土花半老繚牆秋。丹青照夜餘神鬼，河漢陵空近斗牛。除却牧闌樵隲客，何人解作看山遊。

千峰排浪湧遙空，一抹雙林磴道通。山暝僧歸紅雨外，樹深鳥度碧烟中。澗泉色冷元無暑，松閣聲多豈為風。擬學香山老居士，往來踪跡似秋鴻。

桂叢草堂書壁

蕭颯天風吹羽翰，疏雲涼雨別長安。夢回藜閣金鐙暗。

路遠蓬山晝漏寒苑裏紫薇霜樹落山中青桂晚花殘
白憐亦似相如渴漢闕秋來賜露盤

曉雪懷富雲麓杜遇徐兩編修

遙夜關山夢霜風各一天新寒高枕外白雪曉窓前書
卷開宵帙鑪熏繞夕烟折梅如可贈鴻雁久淒然

冬曉懷青岳宗玉

北窗上寒日落木正紛紛殘夜礎猶急清晨雁屢聞厨
烟開屋雪樓霽對山雲天氣宜晴曉悠悠念樂羣

臘月十九日立春

朔氣曉沉沉東風變夕陰月臨寒夜早春入舊年深殘
臘晴光轉韶華瑞雪侵忽聞歌管發一半落梅音

宿定興寄盧明府

已下七首追錄王寅做場舊作

迢遞傳驂遠帝京郵亭今宿第三程荆關紅葉隨征
騎易水清流遶縣城隔院砧聲秋卓午古牆槐影月平
明蕭蕭曉發投何處悵望龍山一日行

夜宿藥城

平沙開小邑數騎宿長亭映月收書帙聽更下枕屏秋
城譙鼓暗古驛驛燈青望遠雲山外西風度井陘

栢鄉道中

楊柳荒亭道勞勞一放歌望山鄉路少歸馬夕陽多郊
樹積黃葉城流橫碧波數聲風笛晚搖落近關河

內北驛驛見西華王信初御史黃岡王慎菴檢討

唱和詩次韻

十日郵亭過薊北見君題壁憶同遊客窓前後吟紅葉
驛路迢迢數綠疇河朔白雲飛漢水太行明月照南州
各千萬里羈離遠玉院槐陰感去秋

宋廣平祠次碑陰韻

鳳閣衣冠古廟荒關山秋晚更斜陽一時仙李原春色
千古梅花自異香轉恨君臣空蔓草獨看隴墓下黃羊
魯公遺蹟衰回久新月泠泠映石牀祠有類平原書碑

戊戌春同長公允偕計吏過武安有王生好俠喜

客置酒旅亭壬寅長公捐館舍而余西歸再見

王生感舊有作二首

馬跡桃花雙玉鞍河陽縣裏萬人看重來寂寂秋風晚

一路荒山雁唳寒

萬壑霜林一鳥鳴鄉心怯入故山程更憐野渡尋舟處
依舊夕陽滿縣城

潞州

道路孤征際川原薄暮時天寒潞子國日澹衛公祠浩
蕩英風往蒼涼霸業移地形天下脊王土晉侯師河朔
臨雄鎮燕雲俯近陸間花留戍壘蔓草失旌麾鄉國籛
心緒征途長鬢絲關山去無極憑弔益淒其

武鄉道中山

天工用拙莽難猜畫手曾經斧劈來莫道荒寒少才思

米家山子有灰堆

盤陀河

盤陀險路每含愁亂石清沙水北流送別天涯知客意
多情隨我到并州

分水嶺南水下循環舖北水入祁縣界

分水嶺前水兩流南來北往總悠悠南水細微北水大
可憐來往不同愁

智伯祠

洞涵水沒鑿臺悲寒日深山智伯祠千載人思國古感
趙宮烟草亦離離

野史亭

柔翰功名一葉萍也將文字照丹青朱門萬戶淒涼盡
惟有元家野史亭

太原夜夢故園

晉北燕南滯此行栖遙夜故園情間關千里成歸夢
惜別城頭曉角聲

赤橋

太原縣西南晉水北渠上舊謂豫讓橋也

赤橋北跨晉渠遙自古人稱豫讓橋流水自應知客恨
故添風雨夜瀟瀟

王生致酒

百壺青髻醉顏酡旅病如今一釥多空對故人桑落酒
真教無奈別離何

并州剪刀

霜淬風搏出冶豪雪花照地捷吹毛鄉心如水平知難斷
嗟爾并州快剪刀

獲鹿對月

今夜鹿泉月閨中應再圓光留長塞外影斷故山前香
霧含空色清暉映獨妍別來小兒女相憶在天邊

太安驛夜

擊柝夜沉沉空山離思侵馳驅千里道去住往時心杖
策黃塵晚趨庭白髮深草堂先業在何用買山金

真定道中

南北分歧處西來兩度行沙明滹沱水山闊鎮州城地
界雄關盡天臨野塞平古稱燕趙士慨一含情

墨牡丹四首

新綠蛾眉畫未勻瑣窓日影淡如銀玉顏自抱臨妝恨
不比昭陽鏡裏人

玉貌黃金事不同鉛華誰肯借春風眼前未解真顏色
嗟點何須用畫工

舞衣連夜惜殘春只染天香肯染塵喚醒玉奴慵不起
紫金醖酒未霑脣

烟鎖西陵翠帳塵綺羅香散鄴臺春風流占斷陳王賦
始信人間有洛神

竹

年華文苑卷八
三
栽竹蕭蕭色高齋涼暗侵連叢添徑曲空翠入簾深接
葉青絲障低枝碧玉簪翻愁攪清夢時有籀龍吟

睡起詠鸚鵡二首

人世喧啾不要聽任他百舌費丁寧醉鄉已到無人處
又被鸚哥喚得醒
又
利嘴新紅褪綠衿能言終不離飛禽笑卿所訴真何事
閒煞斜陽半樹陰

書報楊生題後

憐汝相思意題書遠寄將別來皆老大歸去益淒涼秋
病眠山屋春遊罷野航鄉心紛紙尾零亂不成行

記夢

春風南浦柳條開別久離魂黯自還夢斷桑乾鳴咽水
車輪纔過磨兒山

寄韓少室先生

家在行山第一峰石泉雲裏出疏松黃河渺渺霜風起
收拾漁竿放白龍

病後

得閒除是病病後轉愁生吠犬欺殘夢荒雞喚早行月
痕移枕近風緒入簾輕數日衣裳懶蒼涼盥濯清

雲蘿雨中來借琴

牆角荒花寂寂垂間庭苔徑子來遲尊前白髮難拋得
匣裏瑤琴可贈誰瑟縮絲桐還自語蕭條風雨最相思

暝烟簾閣人歸去又是秋鐙欲上時

龔賢畫四首

湘漢青春外岷峨落照邊江山入圖寫風景一凄然
龔賢畫山水萬里尺寸間此水瞿唐水此山岷嶓山
野曠鋪烟樹沙明立渚禽秋山平遠在夢向玉堂尋
遠峰如欲無飄影何處泊秋山少人行楓葉寒自落

題竇晚畫三首

晚故推官河內公子

摩詰遺詩畫意閑烟雲粉本有無間風流一變添文采
小李將軍著色山

春蚓秋蛇蠶尾鉤家雞野鷺豈同儔祇應落墨驚紈扇
畫作桓家烏犍牛

與君蓬轉向天涯幾度春時不在家近日寫生知客意
王孫芳草隴頭花

題朱小晉侍御卧牛莊記後二首

水石毫端出開函空翠流東來多紫氣高卧或青牛松
雨生瑤草樵風掃石樓雲山異鄉縣蠟屐可從遊
午橋遺蹟在渺渺憶湖園樹杪山河出霜餘松菊存峰
晴姑射雪花暖卧牛邨誰接令公美幽懷與寤言

小雪夜

孟冬風景正淒淒斷卉飛蓬霜滿畦短日作寒逢小雪
流年催曉報黃雞珥貂碧落癡如夢縱酒清時醉似泥
鐙火客窓過夜半家山好在月輪西

新年湘北玉階過集

風沙連上日煙景易黃昏
新月初三夜春筵第一樽
催詩燒短燭留客開重門
猶是茶盤會年光與細論

幽人

幽人客京洛不異在山林
夜雨長春草東風啼曙禽
煙輕寒食近花落故園深
回首清川曲還憐此日心

楊花

楊花不寐莫哀哀
逐芳塵搖落多情客
顛狂薄命身晚風過別樹
細雨送殘春幾度河橋外
相憐一愴神

燕草

燕草芳菲候關山客望孤
長風吹大漠古道入平蕪
野樹殘紅映春沙淨綠鋪
連縣向天末客思不能無

荒圃

斜陽荒圃古城西
薺麥霜苗細綠齊
百口淒涼賓客散
何人還解韭萍薤

舊琴感懷

故舊何人唱渭城
瑤琴重整十年情
客窓寂歷殘鐙火
獨聽悲風曉角聲

友人見過

鄉山我已訝歸遲
何事逢君問路岐
世態可堪官達日
客懷先喜病輕時
重過舊邸吟寒雪
試倚西窓聽竹枝
更話故交零落盡
香殘鐙冷十年思

鄰園

高臺破池何莽蒼夾林窈窕通短牆櫻桃風落庭砌赤
棗花日熏簾戶香紫苔生暈蝶作陣白蜜滿脾蜂出房
鄰園如此亦暫樂回首青山心欲狂

宣武門外水亭用壁上王文安公韻

古亭荒木綠陰初壁上飄零數字書萬里五湖悲昔夢
十年三畝問吾廬重來水石情如舊自別園林興不疏
城路草痕歸騎晚月明苔竹夜窓虛

鄰園懷韓山

鄰園亦暫到酒榼自相將檐鳥猜幽處庭蟬快晚涼竹
深陰屢憇果熟落先嘗回首秋雲外山林興頗長

春夜懷素心

旅宿西亭夜不知池草生關河南北雁銜火短長繁春
老他鄉客花開故國情樊川煙柳道風景近清明

幽事

雙扉長晝閉過客自周遮揀日移新竹嗔人掃落花風
簾通乳燕雨檻數歸鴉幽事春來徧今年不憶家

枯樹

城邊枯柳樹隔水映疎帘獨鶴蕭蕭過昏鴉箇箇添虛
饒風露美尚假雪霜嚴憔悴東陽客江潭鬱滯淹

秋月

秋月當軒蚤風林破暝昏攪眠偏近枕留影不關門桂

闕明新露江湖帶舊痕夢中家萬里休遣照離魂

秋日同容齋郊行有懷同館諸子

為客端居久嚴裝似遠行
譙門開落照畫角咽寒聲
歲月秋山色蹉跎旅鬢情
少年皆老大衣馬不肥輕

秋夜懷馮訥生助教

委巷追遊處寒齋獨宿中
故園當落月鄉思入西風
山雪長鑱白書鐙短檠紅
十年羈旅客心事幾人同

秋日彈琴招楊山人

玉河水落秋雲深高城晚色空
陰陰橋邊老樹行屢歎
馬上夕陽時一吟出門催貰舍
西酒來坐獨捶牀上琴
夜永揮杯攻雅操霜露颯颯
露衣衿

西譙門外臺上登眺

斜日橫門道西風客思豪
古臺臨大漠秋色滿平臯
樹點烟村小雲連粉堞高
野花迷戍壘寒水落城壕
涼冷猶悲角羈孤且濁醪
闕樓銜暮景迴馬興蕭騷

懷七柿灘

洞陽風落滿林霜萍蔗甘寒
味許長解道黃柑三百顆
不如紅柿熟千章

孤雁

蘆花寒影夢三更風雨沙邊
夜自驚惆悵故人消息斷
年年孤雁寄離情

雪中晚歸李段邢三君子至時邢將赴永福令

行遊導北渚飛霞灑寒汀小苑堆銀樹西山點翠屏驟
逢驅騎返密作下簾聽速客三人集留歡二妙停段先碧
凝扶檻竹紅溼映鐙櫺玉笛吹何處霜磬響客亭坐中
風漠漠天外氣冥冥一嶺江門險千巖桂樹青蠻方花
自異天柱雁還經惜別春明外相思倒玉餅

雪夜懷吳玉隨編修使閩

北風吹歲暮雪景閉門低窓樹夜離立城烏曉嬾啼路
寒歸驛晚江遠泊飄迷無定春來雁音書未可題

曉雪感舊

瑤華遞窓影落葉亦娟娟折竹聞荒徑微鐘記往年酒
消銀燭跋香冷博爐烟悵悵晨雞語寒宵獨不眠

除夜憶樊川寄舍弟四首

小杜香名別樊川莫浪看東風來口下春色到河干藍
尾浮金醖青鬢上玉盤如今直北望燕趙是長安余所居樊川在

樊山之下欲自別於牧之之京兆樊川故往往寓意焉

相思為客後猶似到家初親養甘辭祿君恩許讀書
草堂新日月竹徑舊田廬一作牽裾別天涯又歲除
依約懷人處樓前石版橋別離傷歲晚消息隔年朝臘
逐桃符換寒隨柏酒銷同心不同賞咫尺暮情遙
嚴裝趨隔日夜半向承明百歲猶今夕殘年有二更衣
香仙仗影珂響玉階聲春殿鑪烟外低徊十載情

奉懷工部侍郎楊公于役

孝陵

銀蠶金雁玉衣寒
王氣千年此鬱盤
舊日鼎湖曾灑泣
同時侍從獨頻看
杉松石隧聽蕭瑟
風雨穹碑拜奠安
應念先朝恩遇重
藏來弓劍淚沈瀾

徐益樞侍御過集

徐自館職入臺

誰遣臺烏報曉遷
玉堂清冷憶君賢
自憐易過同官日
可惜相逢沈愛前
人散寒廳判獨醉
月明永夜不成眠
繡衣咫尺金門路
封事何時到日邊

春日戲寄韓山

車栖輪卧費淹留
不是閑居是浪遊
過雁星霜驚朔塞
落花風雨夢西樓
陽關別恨歌三疊
隴阪相思賦四愁
笑煞鷗夸太狡獪
春光占斷五湖舟

遊仙

曾似天台見玉真
星娥含笑閱流塵
神光倚徙三千界
仙劫迢遙五百春
河漢已非來處路
雲霞猶是夢中身
愁翻茅許天官籍
誤判劉盧世上姻

睡起偶書二首

睡鄉功並醉鄉齊
一枕春寒落月西
殘酒未消清夢斷
城烏偏向蚤時啼

翻覆人情笑幾迴
天公寒暖不須猜
宿雲未礙晨光好
殘月依然上冷梅

曉雨懷王十一貽上

牛車文編卷八
細雨入幽夢醒聞松際殘開窓歸雁過拂樹啼鶯闌雲
亂遠峰翠晴回初夏寒昨朝王儀部吟興接餘歡

丁香

插蘆聊擬竹移杏欲當梅容易丁香樹縱橫小院栽雨
中愁自結月下影還來春色漁陽晚繁英且細開

合歡花二首

子豈無知者枝開斂復斜青蕙空有莢朱草不生花暈
碧籠輕靄裁紅散晚霞合歡名並羨相伴在天涯
春芳亦既歇艷質麗天中桃葉羞嫌俗楊花細讓紅卷
舒應愛日開落最禁風長記嵇生語忘憂並著功

晚春二絕句

已遣清尊換玉貂晚風蓬鬢醉蕭蕭自從舊雨無人過
贏得閉門閉寂寥

風作狂濤一陣寒春衣添盡怯成單落花日暮飛何處
不遣殘紅著地看

高陽公林亭宴集五首

東閣從遊日西園許數過樓臺容地少雨露近天多樹
帶長楊色池涵太液波公無輕獨樂萬井接謳歌
雅志在丘壑亭臯鑿翠初書堂新柳映客徑小松疎淥
水波窓動紅欄架石虛謝公墩好在正莫憶林廬
歷歷好厓谷悠然在帝城情忘憐水石境絕想柴荆
野雀銜恩重江鷗狎浪輕滄洲無限興賸欲訴平生

午亭文編卷八
歲閏清和候鶯花夏未遲碧桃天上種紅杏海南枝歸
第銅龍晚開尊玉漏移年年京洛會延賞衆芳時
忝切龍門客追陪鷓鴣行齒隨枚叟後坐近令公傷官
燭春星爛宮壺玉露香酒酣紛起舞為壽樂千觴

老樹

老樹空牆裏春來着數花葉蒙垂草暗枝與蔓藤斜濯
露高難下飛雲近自遮婆娑想生意長此送年華

流水

牆下分流水潺湲有濁清柳濃斜照影蟬亂晚涼聲池
沼終然小風波也自輕浮雲碧空盡冉冉共遐征

春日寫懷呈宛平公十四韻

絳帳重來日紫門病起身雲霄立雪夜歲月掃明人弱
冠謬通籍十年甘積薪散才矜匠石小草辱鴻鈞志切
傳經久思惟枋國新公忠參密勿調燮用深純環海烟
烽靜三秋雨露均四門明舜目率土望堯仁簪紱登台
輔文章致要津青春殊淡蕩黃閣正嶙峋永叔門生衆
虞翻骨相屯穰花愁偃卧今雨對傷神翹首看勳業無
心恥賤貧菰蘆樵侶在情至敢重陳

午亭文編卷八

男壯履恭較

午亭文編卷九

門人候官林佶輯錄

今體詩

世廟寶錄預纂修恭紀二首

天顏如覲祕函新東觀重登載筆頻日暫早垂青史事
編年仍屬舊詞臣容衣弓劍春前渡玉几江山戰後塵
手闢太平歸

聖主寢園雲氣繞 楓宸

清霜版屋起炊烟車馬重城轉寂然寒夜衣裳眠待漏
蕭辰婦子話歸田攜家身計兼生計拜祿餐錢倍俸錢

史職月給餐錢倍俸卻念 兩朝虛供奉秋風露灑

孝陵編

郊祀朝賀恭紀呈 實錄館諸公

昨夜陽回曉仗過 天門鐘鼓竟鳴珂 朝衣舊染鑪烟重
宮日新移扇影多 雲物編年書鳳簡 歲華簪筆紀鸞坡
亦知詞賦工無益 若為昇平許載歌

蚤春局中感成

苑樹輕烟已鬱葱 玉霄散吏閤門東 日疏直草官真曠
月有餐錢索未空 輦路三年春色裏 家山千里夕陽中
承 恩終乏涓埃報 老大從教歎轉蓬

題家書後

楊柳紅亭路青青 又放春遠遊 思弟妹 薄祿謝交親 客
裏南來雁 愁邊北去人 梅花窓下月 二十五回新
生日次韻酬熊次侯學士

詞垣風義動簪紳 門引詩賢有白申 相見官曹貧似病
敢論人物積如薪 焚餘蕉史思殘事 別後槐廳共幾人

先是同直
明史館

自笑陸生新鬢髮 浮沉空歎二毛辰

生日寄張氏妹

年華驚久客 宅相足離憂 姻婭思前事 園林阻一北 到
州無百里 歸路卻千愁 為報高堂語 年來尚黑頭

三月廿八日劉戶部公弼招同汪戶部茗文吳編

修玉隨董御史 玉虬梁御史 日緝王儀部 貽上

李檢討 湘北集 宣武門東河樓看柳 三首

十載來燕市 三春上薊樓 樹驚為客老 人惜送春遊 煙

月章臺路風花灞水流纖條兼弱絮管盡古今愁
城下春流憶遠江樓邊柳色坐平窓東風還肯留三日
乘興能來倒玉缸

紅簾亭子枕城河雲氣青青水碧波楊柳千條春不去
一聲吹笛落花多

高陽公為廣文楊廣生索詩

平生託贈興蕭然東閣驚呼賜彩箋君許才名三省重
我慙詩句萬人傳絳紗早設諸公帳醴酒新開相國筵
最羨龍門門下士後堂高會過彭宣

夏夜懷玉谿舊隱寄張顯卿四輔

三伏向盡朱火藏炎蒸未已愁中腸流螢入簾故宛轉
明星照席何低昂琴書休夏年力異藥餌經時歸興長
焉得清谿千尺水與君濯足臨滄浪

立秋夜懷張賁白吉甫丈

露溼西清螢火流東山花月想同遊宦情寂莫後人嬾
客路悲歌可自由暮雨幽花閑戍壘驚風吹角動城樓
庭前搖落梧桐影知到鄉園幾葉秋

樓堞

樓堞青霄外黃雲帶古城涼天簾葉動斜日橐駝鳴朔
色沉西塞秋光冷北平關山對何極霜露遠含情

舊館

舊館金臺圻秋城粉堞斜涼風吹白草落日澹黃沙交

道存屠狗人情忌畫蛇誰能市駿骨委棄在天涯

雙扉

白版雙扉掩青籬小院幽心情堪舊事肺病及新秋疎
樹墻月隔閑花堦露流誰知清夜景一併入簾憂

心跡

月上還在路雞鳴已出門養親甘仕宦為客別田園白
髮無才思青山只夢魂軟塵沒鞍馬心跡向誰論

郊壇道院

臺下青陰覆院牆槐花落地點微黃風軒便是修心處
歌枕蟬聲送午涼

夜歸

白月清沙照夜深城南歸路漏沉沉笙歌豈是無情物
不染西窓晏坐心

懷青北舊隱

愁絕懷人夜心飛一葉秋孤征猶北雁別恨自南樓一
夏幸無病三年成薄遊陽坡瓜熟否搖落舊青北

與比鄰孫侍御懷傅隱君青主

西山出屋角峰色共東家墻上頻過酒籬邊數見花嶺
雲連歲晚鄉樹極天涯汾水相思處殘陽幾度斜

送孔動之赴瀘州

舊知瀘水遠天盡暮雲邊雁過逢江雪蠻歌隔瘴煙到
京逾萬里為郡在明年南顧勞黃屋還將喻檄傳

秋夜懷吳玉隨玉駟

碧雲似遠水銀浦漾寒流幾度長安月何人江上樓
迴揚子渡山擁秣陵秋悵悵西風起蕭蕭落木愁

八月十一夜夢中作

夕夢遊仙散客愁羽衣鐵笛海山秋笑看泰華如卷石
星宿黃河一線流

城下夜行憶樊溪

秋近高樓玉漏清金笳吹月送殘更馬蹏夢續關山路
猶聽泠泠澗水聲

秋日懷崔定齋移家百泉

青門楊柳送君行露葉風林遠思生忽見荒寒秋樹色
却憐烟月舊遊情關河雁後書難寄風雨鐙前夢未成
聞道移家飭淇水范陽桑柘接淒清

玉隨使還夜集有作

一行書信附詩筒兩見燕山木葉紅嶺外啼猿江路險
閩中秋雁海天空郵籤夜語船窓月驛騎朝吟浦岸風
芳草王程歸路遠今宵清漏禁城東

荅平安齋守

西來山驛停車日回首并州又兩年歲暮懷人逢雨雪
天寒行部問耕田政成神爵元堪下旱後螟蝗劇可憐
尹鐸昔曾勤保障使君今比晉陽賢

十月十五夜月蝕

五言文編卷九
五
圓魄初無影浮雲亦暫明衆星翻歷亂寒夜自青瑩
莫疑全落姮娥似始生鼓鐘連大內曖曖動皇情

閑情

習習簾風動娟娟窓月明歡娛今夜漏安隱謝時名文
賦粗能解山經細欲評較量身外事難得是閑情

花月

對月但覺好看花欲奈何登樓還縱目把酒復高歌不
畏風涼冷能禁病折磨青蘿掩窓坐宴息似山阿

友人送梅

瑤華肯相贈逸興滿春雲屋小稀枝放窓明細蓋分影
憐寒日伴香惜定中聞渾似深山坐朝朝到夕曛

瓶梅

林下沙邊憶舊時野梅今向綺窓移坐看疎影橫斜勢
行索寒香淺澹枝未許風塵妨笑眼肯令冰雪老愁眉
勞生共爾衰回意釣艇漁磯是後期

上元雪過靈祐道院

六分春色一分知暇日初遊興不遲野館陰晴連時樹
廟門風雪下靈旗鶯花世界空濛裏燎火京城襍沓時
歷遍海山尋兜率雲霞歸路重相思

上元夜雪過吳玉隨編修次孫惟一侍讀韻贈潘

吳兩生

暮雪寒威獨有權帝城如海醉誰先東華歲月新正

前廊後院葛藤多

寒食絕句

參差紅杏柳條斜，冷節關山不見家。
一陣晚寒風色惡，絕憐天意為吹花。

與楊琴士城南野飲

官菜園西綠漸深，草痕隨路得幽尋。
浮雲不定高天色，野水多連古岸陰。
忽忽未知生是樂，茫茫須覓醉時心。
一壺珍重銷愁物，曲罷還教與細斟。

集吳玉隨編修宅同令弟玉駟給事

兄是東坡弟穎濱，官曹文采並同倫。
黃門草奏趨青瑣，紅藥翻書對紫宸。
蚤夏酒杯三五夜，西華朝鼓十年鄰。
曉天連步深更語，一月相邀空幾巡。

春日懷孝章素心六箴與可荀少公幹

簾閣翠微西，雲山望欲迷。
晚風歸雁急，細雨落花低。
文史何狼籍，音書故解携。
愁心牽短夢，春草遠萋萋。

午夢

夾蒼皆秋色，車塵稀到門。
草花知旦暮，蚱蟻試寒溫。
午夢離西閣，青山入故園。
久耽幽僻趣，有得是無言。

夜讀書情

一事悲歡酒一觴，百年回首興蒼茫。
孤燈讀史雄心在，明月懷人旅夢長。
碧草逢春連大漠，紅顏經歲老漁陽。
紙錢麥飯西陵路，惟有桃花欲斷腸。

春曉

宿鳥檐前倦未飛，蔥朧窗外曉星稀。
關心眠食何曾是，過眼榮枯旋覺非。
凍樹雨翻花欲綻，雕梁風掃燕初歸。
澄懷觀物三春過，且向塵埃自息機。

遊慈慧寺

春氣鳥鳴細，谿流花影重。
雙林在何許，煙際聞微鐘。

記夢

夢與故人語，同在南水頭。
覺誦故人詩，淚添清波流。

天漢

一道白虹秋，居然天漢流。
荒雞聞午夜，殘角想邊樓。
兵氣關春色，花時送客愁。
西涼今右臂，設險貴前謀。

雨中懷貽上慈仁寺

城南坊北路，遙思積空烟。
窓急初更雨，衣寒四月絛。
裴回坐鐙燭，繾綣把詩篇。
欲訪維摩室，愁時獨蚤眠。

過惟一夜歸口號

醉別清樽綠，歸憐蠟炬紅。
六街星爛熳，一水月空濛。
檐鳥宿已久，院花陰漸蒙。
所居隔深巷，清漏此時同。

大司馬芝麓龔公招同劉公馭吳玉隨梁曰緝汪

茗文程周量王貽上李湘北陳其年集城南送
董玉虬御史赴隴右分用杜公秦州詩韻得疆

字籛字

南院逢君日，秋來十載疆。
曉風天語近，畫刻奏書長。

度隴新旌節行邊舊驪驪秦州西日外極目已蒼蒼
日下秦關險霜前隴樹簌簌寒花迎驛騎秋色動河源渭
北雲山道江南烟水村行藏倚 聖主莫更憶蓬門

詩玉虬一日因酒會謂謝公曰一時作者此為第一

雨夜憶故山與翊聖

柳色鶯歌別鳳池春山寒雨夜相思如何客舍青燈裏
卻憶春山惆悵時

曝書

書帙閒庭曝晚涼牙籤萬卷爛生光螢窓蠹壁情何限
送老流年付夕陽

書貽上所藏畫

秋來最有江山興夜雨寒披積雪圖水驛無人村徑晚
梅花滿地月明孤

九日大司馬龔公招同諸子集城南登高以東籬
南山為韻四首

令公開宴地秋色翠微中雁帶邊城雨臺臨古木風鄉
心紛遠近客望各西東四海孤踪晚登高幾處同

灞澹登高會龍沙久客時望鄉秋步健灑酒壯心衰共
訝狂花早翻疑晚菊遲暄寒驚節候杏蕊艷疎籬

時春并
競開

晚霽開亭帳秋聲萬樹含天清斜月下地僻古城南紅
燭催更拆黃花上盃簪謝公墩似昔長此得停驂

尚書真北斗供奉媿清班密坐分杯數歡游着屐聞江

天銷戰伐秋成靜關山鼓角中宵罷酣歌未儂還

菊遲簡鈍菴

梧桐欲落拒霜催斜日空庭雁影來更有寒花知客意
籬邊秋晚待君開

秋日過惟一

故人憐寂莫相見慰招尋薄俗心難定浮生病轉侵花
寒秋色晚酒盡客情深興發忘搖落歸鞍聊一吟

送孫古望還嘉興

君是承明客江蓴別思牽才多科第外名起孝廉前海
近聞琴處潮分字鶴田高堂游子意白髮向秋偏

中秋夜集惟一宅送別二首

百年今夜月終古獨橫秋蕭颯三時別空明萬象收關
河臨客路星漢入歸舟搖落天聲滿清淮木葉流

圓月秋頻見離人酒一卮高城霜下蚤江路雁飛遲露
灑臨風淚淒清欲別詩射湖足烟水繫艇一相思

送陳其年歸宜興

白雁過時木葉青霜林秋氣已凋零相思後夜孤帆客
知宿江程第幾亭

送孫惟一還鹽城次李湘北餞別韻三首

秋花落盡雁還來一到離筵尊一開九月淮南芳草在
三年湖上釣船迴蓴鱸已覺新恩重鷗鳥何知後命催
風柳青門黃葉路交情白首為裴徊

三年兩度返巖阿酒癖詩魔是舊疴漸老離情今夜重
近來懷抱向君多一官同舍歸偏蚤有客孤踪滯若何
明發更堅臨別約高秋江上慎風波

寒暄又歷歲時頻忽漫鐙前百感新綾餅夢回春宴地
旗亭詩寫酒闌身鶯花過眼同官日水旱驚心去國人
此夕重門猶咫尺銅龍清漏易傷神

對菊

秋老凋羣卉天寒有菊花月稀堦影白風定檻枝斜獨
立真憐汝逢開每憶家故園經別處籬外是天涯

秋夜聽楊山人彈琴

古調繁聲外秋林方颯然松風兼曲度海月映人妍信
指初三疊忘言只一絃白頭溫室夜供奉說當年

訓王北山給諫題寓亭竹影

如子寒天裏能來夜叩門高風搖菘竹明月正黃昏鐙
亂迴看色階移欲別痕何時為貰酒留醉坐霜根

十月晦日書懷

冬月初淒緊年華已暗侵不因身病蚤那覺道緣深筋
力趨朝異才名與世沉晚風黃葉下高鳥急投林

長至日雪中下直

晚風人下校書樓吏散烏啼暝色幽日影已旋天北極
雲陰漸合殿東頭金鋪欲鎖千門靜葭琯初吹六出浮
恰是微陽如綫日九霄清冷不禁愁

送李容齋還合肥

鐙火空堂歲載陰，倉皇忍對欲分襟。
一官竟有瞻雲恨，舊事誰憐捧檄心。
南使關山音信少，北風雨雪淚痕深。
國書未就歸偏蚤，京雒相看去雁沉。

廣寧門再送容齋二首

西門一步地，送客已他鄉。
古廟官橋下，離亭大道傍。
塞鴻初斷影，灞柳不成行。
翹首懷人處，關河近夕陽。
壯遊芳歲晚，屢別客愁新。
草土霑衣淚，烟霄抗手人。
白雲虛在目，落日對傷神。
忍約重來事，萋萋苑樹春。

歲暮寄午亭友人二首

小驛星軺問路岐，梅花寄與隴頭枝。
烟霜關塞春來蚤，鐙火音書夜到遲。
為客漸多殘歲事，懷人長別少年時。
相思不及東風便，楊柳西園取次吹。

歲盡雲山客倦游，每當落日憶吾州。
鼓鐘白墮荒城社，風雨黃昏舊寺樓。
別久交親多入夢，官貧僮僕亦知愁。
殘書濁酒真無那，有底閑時不自由。

歲暮二絕句

掾曹京兆亦何求，正使官貧得自由。
寂寂年華尊酒在，蒲桃一斗勝涼州。
爆火紛紛近歲除，關山迢遞記離居。
南溪明月梅花路，香粉飄零十載餘。

次韻吳默巖司業戊申除夕韻三首

守歲樹花已頌春
芸香藜火待元辰
一天雨雪東風轉
萬里星河北斗新
玉漏滴殘藍尾酒
金龜解向謫仙人
年華終古蒼茫裏
甲子從頭幾戊申

金鑰千門午夜風
玉珂聲在夢魂中
黃封酒賜春波綠
白獸尊開曉炭紅
石鼓文探岐獵後
蕉園草起日華東
十年芻蕘官曹改
潦倒鵷行舞拜同

巳酉元日蚤朝疊除夕韻二首

斗轉風迴左掖春
頻年簪筆侍元辰
看移雉尾疏星落
行近螭頭曉霧新
三殿旌旗分閣道
九門鐘漏聽雞人
太平朝會垂衣蚤
欲採民風取次申

玉律陽回靜朔風
鑿坡歲月漏聲中
苑墻夕燎霏烟碧
宮階春雲送曉紅
朝馥香濃天仗外
歸鞍日霽掖門東
忻逢主聖時清際
禁近何人作頌同

正月七日

孝陵忌辰

憶昔西清侍從辰
忽驚遺詔泣龍鱗
乾坤自此新陵寢
歲月依然舊史臣
九度春光如短夢
每逢人日易傷神
當時記輓宮車出
慟哭東風賸幾人

蚤春 寶錄館呈素存編修

兩朝金鑿在鑿坡
春色東來王氣多
苑裏鶯花新歲月
眼中松杏舊山河
直廬風雨分藜火
散帙縑緗映玉珂
香案前頭親授簡
曲江風度好誰過

新正故舊小集

渭城客路渺關河惆悵何哉別後歌千里鄉園春色遠
一時京雒故人多愁邊燭影看書劍花外杯香憶薜蘿
誰道長楊叨侍從十年心事媿鳴珂

上元夜二首

閒卻銅街玉漏聲落梅風起蹋塵行十年走馬歡娛地
卧看蚺蟻獨夜情
玉館金牀坐上貂鈿蟬銀甲開檀槽健兒正罷征東役
刁斗無聲夜月高

張侍郎送鱸魚

回首清江興渺然玉鱗網送蚤春前秋風漫有鱸魚思
已得槎頭縮項鱸

曉角

宣武門西聽曙更東華魚鑰漸平明獨聞曉角春城上
立馬風前第一聲

摩訶菴再遊四首

別久祇林樹山門繫馬開清明三度過花柳兩迴來圃
亂春畦水僧間退院苔沙鷗相對立鶯燕莫嫌猜
暮景西邨僻精藍此地逢殘花落清梵深竹度烟鐘春
雨紅樓暗香林碧樹濃近來幽意愜巾拂對從容
後園臨野色春日自淒迷暄冷時無定鶯花晚未齊墟
烟松鼠竄山暝木黓啼回首高粱水蒼蒼落照低

登臨小止上空際碧巉巉澗底長松蔭山又落日銜野
花隨步屨村酒溼春衫大塊韶光晚紫關憶舊巖

酬上官松石廷尉二首

如茵芳草傷春城三月東風聽蚤鶯柳外朝衣霑雨過
花邊官馬隔塵行鴛鴦歲月多新侶水石風流少舊盟
莫問買山歸隱計濟時今望宦先成
春色輕陰暗禁城宮花萬樹宿流鶯斗間自識雙龍氣
門下今容駟馬行法從君當雷雨候冷官吾守歲寒盟
題詩欲盡鐙前意漏下虛堂句未成

雨夜雜感

宿火微紅映曙光楮衾猶挹博山香愁心歸燕迷蓬戶
客夢啼鳥過女牆裘馬故人誰感激狗屠交道亦淒涼
春來歷亂傷心處細雨寒生覺夜長

送王北山給事歸荏平二首

惜別梧桐樹西垣一院陰封章中夜上御札十行深
饑溺憂民日艱難去國心孤山開舊墅簪紱羨投林
珥筆承明地回鑿羽獵辰風波萬事濶聚散十年頻
舊邱歌重聽離亭酒一巡時清東海上未許戀垂綸

雨中集田沛蒼學士宅和白東谷先生

琉璃殿西急雨飛驅車到門雨細微綠窓隔席寒淅淅
紅燭卷簾烟霏霏潞州濁酒琥珀色藐姑羣公冰雪肌
夜深霑醉此何適得歸射獵開荆扉

送少師衛公還曲沃二首

一卧雲霄殿閣空 主恩容易別鷓鴣
兩朝清論水心後 四海蒼生病疏中
絳灌調和惟相國 廟堂鎮靜賴元功
玉堂制草西清直 幾處孤踪歎轉蓬
黃扉十載握絲綸 勅斷來章請急頻
詔祿還同三省厚 賜金特為二疏貧
舍人圖史歸裝舊 驛路雲山入夢新
先帝老臣今澤渥 祝公眠食慰斯民

書局即事

柳邊走馬夾城西 落盡桃花燕麥萋
玉局一春休沐少 金門十載夢魂迷
黃封勅使開緗帙 白首宮臣識御題
下直却如歸院晚 槐陰依舊暮鴉啼

寄楊松谷鄴下

寒雁南飛欲盡時 北來鄉信苦參差
關河匹馬身何適 風雪綈袍淚暗垂
漳水烟波空浪跡 銅臺歌舞自深悲
年華冉冉征途裏 窈莫黃門數首詩

松谷故給諫心潛子

送劉公猷吏部還潁州

懷抱何由好逢君 欲細傾行藏 翰萬事文酒負平生
數聽驪歌亂猶聞 玉漏清藤陰他夜月 蕭颯別時情

城南即目

莫作近前嗔 行游野水濱 委心隨萬物 留眼送殘春
眠柳如人嬾 孤鴻似客貧 晚花一含笑 多恐對傷神

飲酒花下與翊聖

東風冉冉逐流塵憶昔相逢似隔晨
幾樹庭花迎蚤夏一年心事送殘春
青衣度曲傳新調白首同歡感故人
記取坡公催秉燭光陰臨老速奔輪

買馬

買馬黃金事已非青驄門外繫斜暉
玉關別後嘶風遠苑路騎來汗血微
顧影自驚髀肉老喜心翻覺羽書稀
渥洼空有騰驪步蹋徧秋城草未肥

寄素心六箴與可

蚤涼睡美輕鐘後忽憶對牀風雨清
十年仕宦差一笑少日文酒空深情
故園池臺渺岑寂客路荆棘長從橫
我行歸休君努力那將嬾漫趨時名

懷荀少公幹

少睡多愁夜秋窓夢不成西樓風雨恨
南浦別離情有患吾身老相憐萬事輕
年華又搖落息念學無生

冬夜行河上

潺潺石橋水遙接漏聲長澄月金鋪鏡
清沙玉糝霜臘殘催物候冬暖八年芳
莫紀無冰日溝渠只向陽

張東山少司寇宅觀奕

人事紛紛似奕棋故山回首爛柯遲
古松流水幽尋後清簟疏簾對坐時
舊壘滄桑初歷亂曙天星斗忽參差
祇應萬事推枰外夜雨秋燈話後期

玉河橋夜行寄茗文

午亭文編卷九
六
一道銀河下玉京雙魚北上遠含情九門夜鎖邊風落
愁聽南飛過雁聲

王樸菴編修見過同作

落葉蕭蕭出御河衝寒羸馬肯相過五升方朔饑時米
八詠休文病裏歌城闕秋陰風雨盛江湖天濶夢魂多
即論婚嫁今難畢歸去青山奈晚何

睡起遣興寄汪沁水

霜月車輪犯曉沙軒窗歸卧夕陽斜嬾書咄咄空中字
自愛蘧蘧夢裏家濁酒三杯聊送暖寒鐙連夜自成花
卻因寄語青山尹擁被黃紬蚤放衙

夜行

雞聲催我行起坐殘夢接蕭條夜來風開門滿落葉
落葉何翻飛驚風吹馬首夜行不見人明月照高柳

詠史四首

舍人兒

七十好奇計黃金生內疑鴻門不見聽笑殺外黃兒

歷下軍

野渡平原水孤軍歷下城田橫方縱酒酈生已就烹

李少卿

少卿軍數急貳師何逡巡腐刑下遷史終為李夫人

蘇子卿

雪中何所餐野鼠勞供億流連青史編一昔為不食

學書頗勤自嘲

筆冢成堆潑墨香
練裙斐几抵縑緗
臨池晚覺黃庭好
掩鏡先愁白髮長
身世葛懷非浪迹
古今臧穀共亡羊
梅花書閣殘陽下
把翫流年亦自傷

晚出宣武門懷舊遊寄公敵王虬

宣武門東記舊遊
暮鴉啼徹夕陽秋
楊花落盡風流散
別後何人上水樓

樓居望西山

秋杪思紅葉冬來眺碧巒
夕陽過澗遠山色入窗寒
嵐氣通書幔香泉弱釣竿
烟光三十里春到約重看

夜雪懷人

夜雪逢君事渺然
梅花庭北綠尊前
如今見雪長相憶
旅館寒鐙十六年

落葉

紅牆楊柳夾城頭
落葉西風滿御溝
夜度玉橋秋色遠
清波明月送深愁

己酉除夕前一夜小集懷午亭舊遊二首

此夜如除夜他鄉是故鄉
殘年驚隔日往事樂千場
山路梅花放村帘竹葉香
平生嵇阮輩歲月老清狂
點檢京華事叢殘守歲詩
葦桃催臘蚤梅柳入春遲
署尾多新字題檢減舊詞
風流銷歇甚應遣故人知

午亭文編卷九

男壯履恭較

午亭文編卷十

門人候官林信輯錄

今體詩

城西亭送沈繹堂翰林歸華亭

泖峰文采世無倫翰墨風流奕葉存

謂學士度大理榮兄弟

客裏蚤花

隨步屨愁邊積雪照離尊舊遊已少仍揮袂往事臨歧

易斷魂出守昔曾還近侍紫門豈合老江邨

西譙門書懷

出郭烟雲照眼新輭紅回首隔流塵一年好景逢春色

萬事今生讓古人老治文書成底事倦游花鳥恐傷神

低回百計輸行樂歷落欽崎寄此身

移居

移居頻作客，八口寄天涯。樹帶西家月，籬遮北里花。行
藏一燕壘，身世兩蜂衙。便是雞窠老，遷流見物華。

棄宅

蚤棄西街宅，栖栖不定居。邯鄲留一枕，秘監失殘書。酒
醜空隨汝，花枝最記渠。平生多病意，卜築未情疎。

別舊居花樹

一宿天涯樹，下情塵根未斷。笑平生穠花細藥，尋常事
可奈雙株手種成。

閒適

閒適吾堪老，園林興不違。游魚爭晚景，哺燕接低飛。書
展檐風亂，花捎徑雨微。輕陰漏明月，涼色在絺衣。

送王玉銘大司馬致政歸滇南二首

周歷曹堂解印年，青山黃髮羨歸田。雲霄自致勳名貴，
軍國曾都將相權。賜對宵衣親借箸，勅書天翰為裁
篇。蒼生尚憶商巖雨，廿載昇平啓細旃。

樓船戈甲久銷沉，滇海風清罷羽林。勳業舊存三殿詔，
去留今見兩朝心。東山花月仍無恙，北極風雲轉自
深。聞道舊恩思夙昔，莫言容易謝華簪。

寄題嚴氏嗜菴

不識江南路，菴城何處邊。數椽方丈屋，萬里五湖天。茗
甞雙鳴槩，烟波一畫船。富春山好在，高並客星懸。

午日小集

帝京逢午日幾度遠紕扉當暑思宮扇趨朝感賜衣少
眠歡坐減多病宦情微卻望行山道晴雲只自飛

書韋蘇州集後

韋公昔為郡計年九十餘不似陶彭澤解組折腰初

夜行

庭樹雞一鳴起行如適遠映堦月色微葉落知深淺

睡起二首

夢醒不覺暝渺渺殘陽下入簾秋色來幽懷正瀟灑
晨理頭上髮又已數莖白不須感秋風含情自脈脈

旅夜懷張子美子文

草際候蟲語花邊螢火流關山長旅夜風雨近新秋落
葉下庭樹寒瓜生故土樊溪嗚咽水惜別在南樓

冰雪

冰雪遲來使關河阻客居風鴉過院晚木葉下亭虛薄
醒銷憂酒竒驚引睡書天涯身漸老局東欲何如

觀物

蕭條觀物意又迫歲寒心旅燕飛難定哀蟬響易沉晚
霞猶閃閃列宿已森森流影看殘月迢迢隔遠林

冬夜懷樊川故居

愁銷寒夜酒睡引舊時書畫角三更外荒雞一枕餘身
名厭潦倒物理悶乘除野艇花源水柴門栗里居只須
長吏好便覺宦情疏冬日暄茅屋春晴御版輿樵風下

蘇落松月照村墟猿鶴多情者經時應念予

高同年入覲贈別

功名往事記題輿佐郡風流十載餘幕下鶯花春色換
天涯兄弟宦情疏烟雲料理詩逾好簿領從容政自如
時覲歸來開祭戟畫梁塵滿舊懸魚

贈張螺浮給事

西垣重歷幾朝昏萬事波瀾過眼翻伏閣何人驚白簡
臨朝有勅報黃門雲霄鐘鼎推時望魚水功名是異恩
正覩夔龍簪笏盛莫因花鳥戀江邨

春夜和王信初侍御兼懷鄒謙受檢討

雲霄有路已飛翻寐莫官曹獨閉門客舍鶯花連上巳
寺樓鐘鼓送黃昏春衣暮冷添新火濁酒人稀命舊尊
蒲柳年年江上綠白頭零落幾人存

劉果齋僉憲提學浙江索贈別詩

青霄藜火映含香詔許傳經下柏梁畫省仙郎閑劍履
絳紗才子典文章春風桃李花圍坐烟雨江山色滿堂
好為藏書探禹穴清時竹箭美琳琅

移居懷玉隨玉騮

蕭然蓬轉跡似已接蘅臯卷曲寺鐘近夜深鄰語高
餅壘生計小書劍客情豪為報素心友移居欲和陶

移居別舊居花樹

隔巷星河別館開客亭臨去重裴回青苔濁酒行吟地

惟有楊花日暮來

城南見山桃花

黃塵風裏帽簷斜
桑柘稀疏疎柳半遮千
葉不須銷恨種
小桃已放破愁花

曉雞

短日寒雞半夜聲
漏長偏攪旅人情
羽毛今為風霜苦
怪爾春來失曉鳴

送張東山少司寇致政歸里二首

一辭北闕恩逾渥
三領西曹事自奇

張三拜刑侍

朝下清卿休

沐日天涯親舊別
離時官貧蚤割香山宅
身健長耽謝
傳碁回首緇塵京
維客如公賢達幾人知

舍南舍北連春色
竹樹交枝花滿坡
輦下居非村落近
天邊見比故鄉多
尊開法酒賓朋共
坐擁寒鐙敵詠過
欲解朝衣隨杖屨
耦耕生計老東阿

王方伯寓亭送姜鐵夫還會稽二首

惜別論文地
離亭是勝遊
紅箋傳郢曲
畫壁寫秦謳
落葉催歸棹
征鴻過倚樓
遠江秋色盡
渺渺送行舟
高閣樹聲滿
夕陽相對閑
霜風送歸客
搖落動離顏
華髮三秋別
滄波一艇還
只今無賀老
相憶在稽山

宋玉叔招同曹子顧沈繹堂施尚白王子底貽上

集王方樸寓亭同賦五首

洛下耆英社
濟南名士亭
風流人未老
文字飲常醒
篋

靜張琴露窗明冷劍星新詩翻樂府傳唱與秦青

踈雨青鐙暗微風白葛涼地非金谷麗人是竹林狂車

騎閑韋曲星辰隱建章 君王重詞賦或恐動輝光

花裏銀鞍馬尊前錦帶鉤園林過晚夏荷菱入清秋他

日江湖外應思鄴杜遊歡娛兼別緒為我緩行舟尚白將歸宣城

行雲暮不息主人終宴吟詞華傾一代風雨集同心已

踐銀青約能為清白箴重開雙畫戟掩映舊藤陰玉井昔為吏部郎

絕域尋源使孤槎鑿空人誰為蕉葉樣酌此梨花春醉

觸支機石歸迷渡漢津拍浮銀浦裏肯與渴羌鄰以銀槎行酒是

元人朱碧山所製

秋日懷翊聖

秋老關河色黯然壯心搖落望雲烟楚山悔別三千里

燕市悲歌十五年老去青萍藏匣裏愁來白髮醉花前

鷓鴣啼斷瀟湘夢回首清江落照邊

夜聞促織

一昔新涼草際侵攪眠促織夢難尋舊知巧鬪逢場戲

老覺哀音動客心多露庭除秋欲晚閑花院落夜初深

啼時斷續身微細白髮青鐙伴苦吟

物態

秋風策策獵菰蒲炎冷尋常物態殊畢竟埽門羞魏勃

豈須岐路泣楊朱殘書自擁心情定往事追思夢幻無

只似青山舊樵侶不知人世幾榮枯

秋夜

忽忽生涯事事妨
寒沙曉蹋暮塵黃
鐙花半結人將睡
鑪火初溫夜蚤涼
清漏點中秋欲盡
荒雞聲裏夢還長
綠蕉紅蓼晨窓影
無那朝來盥櫛忙

遣興

千歲愁多祇百年
琴書僻性未應捐
吟詩漸解論中晚
酌酒真忘辨聖賢
掩映秋鐙疏竹外
招邀清影夜窗前
不須苦學安心法
倒枕曾騰一覺眠

秋夕

窗際碧紗影流雲
月半黃關山連暮靄
枕簟得新涼
畫扇收殘暑
緗奩開暗香
西樓風露冷
歸夢向秋長

天寧寺游二首

蘭若譙門外
新霜古木清
寒山連霽色
白日落鐘聲
亭午塔鈴語
邊風沙雁鳴
西亭坐蕭瑟
蚤忘市朝情
杖策緇塵晚
西林祇獨過
門前雙樹在
樓外夕陽多
百戰猶碑碣
千秋自薜蘿
暮鐘催客思
歸馬欲如何

喜湘北至同直 寶錄館

國史重徵李鄴侯
禁林追憶昔年遊
花邊左掖同騎馬
雪裏東華共倚樓
歲月孝陵書一卷
烟波江上夢三秋
何時副就蕉園橐
玉勅牙籤次第收

冬曉入館同容齋

夜色深窓曙未通
禁鐘杳杳去恩恩
鄉心曉挂西樓月

木葉長吹北戶風坊遠闕門三里外官寒心事十年中
冬來碧瓦清霜重幾見東華蚤日紅

孝章至旋別

幾回風雪歲崢嶸已改容顏識舊聲父老尺書歸計定
高堂華髮旅魂驚池塘昔夢三生恨長悼燈火寒齋此夜
情歸卧東軒窗下月梅花疎影正從橫

立春日漫興

吾今三十五年過袞袞流光奈爾何人壽古稀忽已半
歲華春到幾分多疎梅竊歷露杯酒畫鼓轟騰隱嘯歌
旅夜張燈悲節序幾回莫惜醉顏酡

簡叟同宿城北僧舍

花發南枝雁北飛御溝西畔柳成圍三生佛火前塵在
一宿僧窓旅夢稀笳鼓夜殘風瑟縮枕衾春冷月依微
故人燕市悲歌客投老英雄已息機

韓編修予假完昏

九重殿外七香車銀漢雙星路未賒東髮昏姻逢畫錦
催粧勅旨出官家蓮鐙談吐同心結玉佩光添繫辭
紗歸去不言溫室樹芙蓉開作合歡花

申鳧盟五十得子

節愍流風奕葉垂名家人比鄭當時果生瀛海遲仙子
種是麒麟帶好兒戈印堆牀連祖笏茱蘭盈寢並孫枝
胎仙疊舞歌塵合伯氏吹堦仲氏箎

蚤行

雨過廉纖漏點頻
火銷香冷睡初勻
當關月出呼殘夢
倚枕雞號送晚春
楊柳漸逢官綠暗
杏花何處野紅新
蚤行只似婆婆意
解作禁愁耐事人

寄安陽張明府參首

鄴都形勝頰中州
紫氣臨關日夜浮
勾漏不須尋葛令
圮橋今已約留侯
雲深銅雀歌鐘地
花滿河陽毒冒樓
蚤聽玉珂金鑰曉
掖垣封草殿東頭

贈韓中丞

魏公家世足名流
開府還朝正黑頭
使相節旄歸上國
尚書劍履勝通侯
貂蟬西第閑清讌
絲竹東山領盛游
豈是書生輕萬戶
何人不願識荊州

立秋日簡翊聖招遊水關三首

秋城過雨響潺潺
一道飛泉瀉水關
此去便隨銀漢轉
御溝流到自人間

洗妝樓北挂殘霞
蕭后城南過晚鷗
秋色自霑今日酒
夕陽猶照古時花

水鶴低回鷗眼明
夏雲飛盡翠微生
西風落日菱歌起
今夜逢君不出城

程翼蒼為姊徐孺人索賢節詩

喜過程門問道初
看君宅相更何如
連枝自解娛庭樹
生子兼能讀父書
舊事嬋娟歌女嬃
念年高士記南徐

只今人近烏衣巷香滿秦淮照綠藻

夜坐有感

天河欲落暑風清客醉揮杯感未平萬事飄搖隨薄宦
十年潦倒愧浮名自憐少壯愁中老誰解鄉關去後情
芳草東山臨別路那因重起為蒼生

送申隨叔檢討還廣平兼寄臧盟

同官同病不同歸久治文書戀北扉一別殿廬秋色晚
重看直草舊游稀懷人邸舍心長在送客雲山興欲飛
寄語荆園老居士緇塵正悔上吾衣

題李太公正兼呈令嗣正孟編修

丹青人物想風流令子聲華在鳳樓天際夔龍依膝下
日邊綸綍到林丘採芝遺老尊商皓衣紫山人羨鄴侯
最是臨風看玉樹金泥科第上三頭

秋日懷貽上湘北

蕭蕭落葉滿秋城不寐西堂聽曙更寥落詩書增士氣
淒涼昏宦盡平生寒衝匹馬風沙亂霜咽啼烏曉月明
寄語年來素心友清時焉敢學逃名

晚秋懷張西園先生

浙浙西風吹客衣曉行涼雨夕陽歸曾中自遣齊朝市
世路何緣結是非居士有情翻近道丈人與世本忘機
藕花落盡蘆花老望斷秋河白鷺磯

起居注日講

賜貂裘羔衣各一襲二首

銅龍曙色接彤幃
橐筆螭頭候北扉
玉漏蚤催當直夜
清霜曉點侍臣衣
忽聞天語春溫至
曾賜宮貂故事稀
最是小儒尤忝竊
皇情珍重及寒微

曾陪貂珥金璫貴
載詠羔羊豹飾榮
綃帕籠牀趨玉陛
香烟滿裏直乾清
便教累葉傳君賜
何止終身荷聖情
蚤罷西征諸將士
尚方服御到書生

侍宴外藩郡王

賜石榴子恭紀

仙禁雲深簇仗低
午朝簾下報班齊
侍臣蚤列名王石
使者曾過大夏西
安石種栽紅豆蔻
火珠光迸赤玻璃
風霜歷後含苞實
只有丹心老不迷

經筵紀事八首

展書緋几曉風清
銅尺橫斜壓未成
天子直將經義熟
玉音開卷已分明

縹帶紅籤鈿軸齊
御書房在殿廊西
五經同異諸儒別
一一重瞳自品題

玉几丹青畫漏長
講章纔罷即封章
芙蓉別殿秋將晚
稀見君王幸栢梁

閣門鑰入進書來
紅蠟光中對御開
知是至尊勤夜讀
三更燕寢月裴回

第二螭頭點筆時
起居親切近臣知
年來神藻光青簡

日曆長編 御製詩

一步天門生羽翰凌霄宮闕路漫漫玉清禁府尊嚴地
只恐人間報稱難
內裏常餐自尚方雲漿雪椀別教嘗調羹真勝修葢露
賜食何須七寶牀
蛾眉供奉別東頭銅鴨香深跋燭留下直玉階天漢上
金明門外月如鉤

直廬贈韓主事

每逢同日侍鑿坡宮草鑪烟歲月過年老潘生華髮滿
坐深荀令晚香多才名我自慚金馬風度君偏稱玉珂
清晝總長渾不厭夕陽催別思如何

梅花二絕句

燕市新花巧接栽青春紅火一時催憑君莫笑大庾嶺
南枝落盡北枝開

幾度寒梅臘又殘愁心一日對花寬稀枝小蕊纔輕放
留取新年細細看

送少師衛公致政還曲沃二首

十年三度謝簪纓帷幄功高退始輕天下公真清第一
兩朝今不愧平生賜還別有銀青約請老仍為畫錦行
去日臨軒思舊德連逢魚水動 皇情

閣道雲山仗外峰朝回請急未從容再來父老看司馬
此去乾坤有卧龍夢繞細旃聞夜雨春回長樂遠疏鐘

知公未穩江湖興民隱還須達九重

次韻程使君留別即送之官粵西兼寄開府馬公

十首 馬公雄鎮

相逢前十載離別是中年羈旅交游老鶯花歲月遷飛騰
騰知意度文酒破拘牽一詠孤枝句蕭條已共憐
萬里之官路還家到海村琴書隨畫舫詞賦在金門桂
樹臨江迴梅花過嶺繁灞橋衰柳色折贈欲銷魂
地角東西粵行行過舊栖孤篷江笛咽斜日嶺猿啼野
宿枕椰暗山行荔子低寒帷畫圖裏按部到蠻溪
憶直承明裏宮鶯竟日聞苑花看並騎隄草惜離羣畫
省香鑪氣江城粉堞雲詞名兼試吏此事不如君

地接三江險堂開八桂深關山如憶遠詩句費孤尋
閣梅花放車輪蕙草侵班春多暇日海月照彈琴

近日嘉陵驛郵筒遠寄詩

謂阮亭使蜀懷使君及子詩

西川風雨夜南海

別離時生理何心緒天涯有鬢絲桂江如可飲先遣故人知

落日伏波廟行人拜路隅靈旗精爽見銅柱鬼神扶勛
業看如此登臨意與俱詠懷多古蹟縹緲憶蒼梧
烽烟千嶂靜道路百蠻通朱邱今開鎮丹書舊戰功江
山兵火後耕鑿戍旗中人近嫖姚幕聽笳憶塞鴻
建牙開幕府吹角瘴雲間一別蓬萊殿相思供奉班湘
灘江上水烟雨海南山喜及昇平會恩波徧百蠻

世領中丞節榮分禁苑臣江風清蟹戶海月照鮫人鏡
吹騰歡遠轅門送喜頻馬以晉燕改粵西可堪晉父老回首事酸辛

送杜編修還南宮

熟稔蕉園徹院鈴夜深藜火散槐廳青門草色春堪惜
落日驪歌酒易醒此別鶯花閑北署十年車馬駐南亭
我留君去真無補名玷諸儒愧一絰

七月二十一日

賜宴瀛臺迎熏亭恭紀二十韻

石掖南薰水殿涼 宸遊此日命瑤觴宜春小苑通平
樂太液神池接建章金鎖北連馳道合銀河西遶禁垣
長依稀晝漏傳鸞鵲宛轉霓旌下鳳皇映曉紅蕖難辨
影迴風碧落只聞香已同葵葉傾朝日不與春花競豔
芳山襍夏雲峰四起林含時雨樹千行仙槎迴拂滄溟
外錦石曾支日月傍雁沼芙蓉開別館龍樓花萼召
諸王公卿渥澤來丹陛侍從 恩深直玉堂宵旰至今
勞 聖主拜颺從此見明良移將彩仗趨長樂不待簫
韶出上陽翠渚張筵雲幕溼雕盤列俎繡綃黃天杯泛
露承仙掌寶鼎調蘭飲尚方無盡 皇情同海岳一時
睿賞在林塘蓬萊歲月春何限魚水 君臣興未央會
見賜酺歡父老已看燕樂編巖廊詩成宴鎬如周后曲
奏橫汾陋漢皇 御藻昭回騰紫極詞曹翰墨侍明光
清時不獻長楊賦譜入謳歌國步康

是日 詔賜西苑泛舟恭紀二十韻

宮府修和日 君臣悅豫年昇平盛文物 睿賞洽林
泉北禁仙流祕西清複道懸曉雲迎步輦瑞日下晴川
罷戰昆明後留歡太液前駕來祥鳳轉杯向濯龍傳午
景凝芝蓋天河入 御筵花明緹騎色香接玉鑪烟鳴
珮升蘭橈華簪扣畫船庶蒨欣有頌魚藻樂難宣空靄
浮瑤島明霞遶翠旃闕樓陰漠漠夏木淨娟娟碧水黃
簾外紅臺錦纜邊蹕停仙仗久岿敞幔城延舞詠班行
右光榮侍從偏滄波真浩蕩 天語許流連畫鼓催行
漏斜暉度晚蟬和膏沾醉飽報答之微涓覆載垂慈溥
生成錫社駢 恩深漸薄枝長奏栢梁篇

乾清門侍宴

賜蘋果恭紀

龍牀日扇午陰團第一螭頭飲大官坐有俎筵霑異數
賜將苞品別常餐上林種後收名果內讌秋來薦玉盤
翠纈丹霞滿瓊液不須更食蔗漿寒

宴廓爾沁諸國貢使侍直

賜蒲桃有頃

賜西瓜恭紀

珠顆甘瓢出內園面蒙寵錫 聖容溫初筵訝許長霑
賜一日驚逢再拜 恩玉指翠分親摘蒂金盤紅重
御嘗痕尋常香案前頭坐飽飲 天庖渥澤蕃

送素存歸觀二首

暫解西清直南枝涼漸侵游非司馬倦興似季鷹深山
寺繙書處江魚視饌心君親恩並重相送一沉吟
載筆編摩日微才也許參誰能辭贊一君自史長三金
匱書纔上秋風擢忽南他時如念及撫寄米家菴

武闡貳益都相國次韻

詔貳公孤拜命驚鷹揚盛典屬儒生簪裾許接元寮席
綸綍時宣黼宸情簾閣風雲新夜永鎖廳鐙火幾迴
明由來臺閣掄才地元化應須在鑒衡

奉次益都相國武闡韻

太平玉帛萬方同枝武常勤廟算中已見鸞弓開似
月頓令磨楯運成風檐前落葉踈鐘度樓上清霜畫角
雄夜半火城傳視草奎堂遙映燭花紅

講筵

賜紫貂文綺白金一事恭賦一首

賜貂

去歲含毫侍玉墀錦表天上拜恩時衣冠曙色交龍袞
鶴鷺春溫集鳳池禁殿久依簪筆地直廬重詠賜貂
詩微勞一髮何曾効輕暖頻年媿聖慈

賜文綺

紫纈青綾出尚方恩深奏謝閣門傷機絲巧度金梭月
刀尺頻霑錦綺香袖拂螭頭鑪氣暖步隨龍尾珮聲長

許身衰職無能補空睹宮衣滿篋箱

賜白金

榮光賜予報重重內裏分金勅禦冬赤縣尚鐫初進字
瑤函纔啓御前封記恩未忍輸泉布索米從教罄釜
鍾不羨長卿工賣賦腐儒執簡慶遭逢

賜貂蟒朝衣一襲

謝恩未了趁駕行又是溫綸下建章內製蚤鋪新樣錦
賜衣久染舊鑪香雲浮繡蟒明初日風動盤貂點細霜
拜舞玉階春色裏五紋先祝綵絲長

待梅

園桃巷柳豈須論梅信經年探野村老怯谿橋妨滑路
慵憑簾幕伴開門窗虛細乳從疎影硯凍斜枝認舊痕
索共寒香成一笑愛他風雪近黃昏

歲暮雜感二首

雲山萬里一雕鞍急羽應須起謝安嶺海梅花旌節遠
江城金鼓戍樓寒苦吟獨客身將老小酌幽衿醉後寬
旅興易傷西望眼數峰深翠路漫漫

紫極青霄悵遠天桂陽險絕羽書懸題詩萬馬中宵動
草檄孤城百道連直北風雲憑障塞征南笳鼓在樓船
將軍前部何時到霧散龍沙夜月圓

癸丑除夜

漸老天涯此夜中兵戈關塞意何窮梅花影寫春醅綠

爆竹聲連蠟穗紅夢繞庭闈雙素髮身慚弟妹一飄蓬
強吟守歲還循例愁絕寒宵盡角終

人日都市有賣牡丹花者郭快菴太史同賦

人日晴雲媚蚤陽玉闌干外競新妝啼鶯舞燕紛何處
霧朶霜叢卻未妨翠慢曉低憐瘦影紅樓夜冷惜天香
仙郎已進清平調與和高吟紫禁傍

春懷

玉醖金珂撥鳳槽城頭星爛曉雞號樹烏三匝棲難定
樞馬無聲意自豪羈旅生涯過夢境年華勛業老詞曹
寂寥瓦屋繩床夜絕勝丁男轉戰勞

步虛詞二首

寶髻珠圓現幾時珮環聲裏步虛詞露香夜夜朝真語
心事分明欲訴誰

金縷歌殘舞柘枝關山連夜雨如絲夢回紅版橋邊路
一種桃花似舊時

送施匪莪歸泗州用歸來二字韻二首

零落賓朋又送歸風煙重惜舊遊違鄉襖被官曹冷
間道兵戈野店稀客久鶯花迷故壘春寒雨雪在征衣
泗濱得此桃源否到日殘紅歷亂飛
故人今已賦歸來白首行藏拂袖迴淮汴雙流中擊楫
江山百戰舊登臺詩成磊落從教在酒罷衿懷得好開
只有交情垂老意不堪霑灑到離杯

朝日侍直恭紀

春色平分淑氣迎
龍樓鐘鼓報新晴
蚤隨大駕千門出
只後乘輿一馬行
夾岸烟花臨御道
朱壇紫燎達皇情
禮成載筆還趨直
萬歲蓬萊日正明

侍從朝日還侍宴
江西提督趙國祚
河南提督王

永譽太原總兵郭拱宸

賜紫梨有頃

賜石榴子

羽林前隊屬車塵
纔解雕鞍藉錦茵
玉殿割鮮親將帥
金盤賜果重儒臣
香多盧橘采江驛
色勝珊瑚貢越人
盱食只今憂戰伐
分甘侍從幾回頻

送洪暉吉還角東

藉甚才名子自賢
酒杯詩卷劇流連
倦游金馬如殘夢
對策銅龍記往年
寒食鶯花千里道
春風鰕菜五湖船
耦耕我失歸田約
此別何能不惘然

夢遊南樓歌

別久南樓已十秋
長風吹夢下西州
祇疑身躡青天影
真見黃河明月流

送韓起蘇三首

春明門外來時路
愁見青青柳色多
欲唱驪歌人斷酒
直教無奈別離何

客鄰寒齋小幔垂
紙窓風雨上鐙遲
房櫳別後春蕭瑟

想見孤吟獨坐時

東風楊柳河橋月冷節關山野店花送客還鄉仍是客
十迴禁火在天涯

四月十三日昧爽夢屠芝巖給諫言頃孝感熊公

誦子詩因為余復誦之覺而忘後二句續成之

步屨中林逢數子雕闌傑閣倚晴暉長河直轉三千里
庭樹常留五百圍老氣諸曹猶勁敵雄心杯酒未忘機
夢回古壁曾題句風雨冥濛隔翠微

容園呈大司馬宛平公

北斗尚書第西園翰墨情闕堂延揖客開閣引諸生臺
榭千峰出山河四塞平天虛含象緯地遠劃陰晴日月
高雙闕風雲抱古城五陵多王氣萬馬襍邊聲談笑淮
淝敵鞭驅騾騎營指揮驚宿將帷幄異孤卿羽檄書交
至軍機酒數行中樞方授律儒術亦論兵鶯語喧金鼓
花飛點旆旌隋珠恩未報還欲請長纓

詠懷贈田兼三京兆

痛飲狂歌老鄭虔諸公袞袞日朝天幾人報國文章在
吾黨匡時奏草傳西掖深花春漏轉南臺列栢夕烏還
平生最愛張京兆儒雅能如廣漢賢

七月六日立秋懷王北山給事

清時要地重黃門封事詞林共討論詞林編纂
六曹章奏秋色邊烽還
照耀西風畫角又黃昏雙星河漢隔鐘漏一葉梧桐飛

掖垣記得延英去年事宣豪江硯正承恩

去歲試臺省北山試第一

疊前韻酬北山給事見和立秋日詩

給事余同年生去歲同武闈之後

清時將略重期門好武能文可細論鎖院科名雙鬢髮
垂簾風雨十晨昏縹囊久點還詞苑彩筆誰兼似諫垣
玉勒宮花思往事曲江宴後疊承恩

往昔

往昔歡游翰墨場五陵衣馬恣清狂關情白髮參差短
回首青山寂莫長十載雙親書數紙寒燈獨宿淚千行
兵塵未解年將老欲說歸田已闕傷

輓毛錦來吏部

蕭蕭鄰杵動淒其寂寂房櫳素幔垂春日客亭分手後
夕陽老淚過門時樹漿餘閣招魂晚兵火孤兒上道遲
百口重圍傳警急三秋旅櫬網蟲絲

秋日草橋見龔大宗伯芝麓題壁詩感舊有作

荏苒京華亦轉蓬芳菲零落舊青叢遠山疏樹總瓏碧
流水殘荷窳莫紅霜重草橋秋色晚歲寒花徑昔游空
右安門外西州路酌酒荒原向晚風

重游祖氏園

十五年前白鼻騮青絲金絡酒重賒長思別後淒涼地
再見秋來爛熳花世事五侯新第宅桑田幾度舊人家
將軍坐轍風烟外帳底歌鐘閱歲華

秋夜待漏書懷寄蕭韓坡侍讀

九門清漏隔銀河
午夜微風競玉珂
不寐秋蟲偏自語
長愁旅雁又相過
音書戎馬來人少
烽火江山戰地多
生養兩朝恩未報
苦搽柔翰思如何

城南憶舊游簡楊侍郎及茂才郎君

輭紅走馬夾城傍
下直深林坐夕陽
山色谿光猶在眼
松風花影最難忘
詞場賓客思公子
寺閣登臨憶侍郎
待漏朝來趨左闕
南宮秋點夜深長

魏環谿先生邀集可亭以寓直不赴却簡

講堂高倚故山青
翹首風雲聚可亭
兩召天書光日月
三遷公望重朝廷
苦心開濟君前疏
大手文章座右銘
今夜清輝動星宿
蕭條藜火媿橫經

秋日見雁同湘北作

北風吹雁急南飛
邊馬長征去未歸
矰繳高秋辭大野
關河落日過重圍
斷行飄泊孤洲遠
獨宿烟塵舊處非
江海蒼涼沙塞晚
尊前為爾一霑衣

午亭文編卷十

男壯履恭較

平直文辭卷十

世孫外史

以盛養以成其德

以盛養以成其德

以盛養以成其德

以盛養以成其德

